



**O‘ZBEKISTON RESPUBLIKASI MAKTABGACHA VA MAKTAB
TA’LIMI VAZIRLIGI HUZURIDAGI IXTISOSLASHTIRILGAN TA’LIM
MUASSASALARI AGENTLIGI
BUYRUQ**

“03” 07 2023-yil

№ 69-AF

Toshkent sh.

**Ixtisoslashtirilgan ta’lim muassasalari agentligining korrupsiyaga qarshi
kurashish tizimini yanada takomillashtirish to‘g‘risida**

O‘zbekiston Respublikasining “Korrupsiyaga qarshi kurashish to‘g‘risida”gi Qonuni ijrosini ta’minlash, ISO 37001:2016 “Korrupsiyaga qarshi kurashish menejmenti tizimlari - Foydalanish bo‘yicha xalqaro talablar va tavsiyalar” xalqaro standarti talablari va tavsiyalarini inobatga olgan holda Ixtisoslashtirilgan ta’lim muassasalari agentligi tizimida va xodimlari faoliyatida korrupsiyaga oid huquqbuzarliklar sodir etilishiga yo‘l qo‘ymaslik, bu borada samarali tizimni shakllantirish maqsadida

BUYURAMAN:

1. Quyidagilar:

a) O‘zbekiston Respublikasi Maktabgacha va maktab ta’limi vazirining “Korrupsiyaga qarshi kurashishga oid ichki idoraviy hujjatlarni yangi tahrirda tasdiqlash haqida” 2023-yil 27-iyundagi 196-son buyrug‘i (keyingi o‘rinlarda – buyruq) qabul qilinganligi;

b) buyruq bilan:

O‘zbekiston Respublikasi Maktabgacha va maktab ta’limi vazirligining korrupsiyaga qarshi kurashish bo‘yicha siyosati 1-ilovaga muvofiq;

O‘zbekiston Respublikasi Maktabgacha va maktab ta’limi vazirligi, uning hududiy va tarkibiy bo‘linmalari hamda tizim tashkilotlari faoliyatida korrupsiyaviy xavf-xatarlarni aniqlash va baholash uslubiyoti 2-ilovaga muvofiq;

O‘zbekiston Respublikasi Maktabgacha va maktab ta’limi vazirligi, uning hududiy va tarkibiy bo‘linmalari hamda tizim tashkilotlarida manfaatlar to‘qnashuvini boshqarish to‘g‘risida nizom 3-ilovaga muvofiq;

O‘zbekiston Respublikasi Maktabgacha va maktab ta’limi vazirligi, uning hududiy va tarkibiy bo‘linmalari hamda tizim tashkilotlariga aloqa kanallari orqali korrupsiyaviy xatti-harakatlar to‘g‘risida kelib tushgan xabarlarni qabul qilish va ko‘rib chiqish reglamenti 4-ilovaga muvofiq;

O'zbekiston Respublikasi Maktabgacha va maktab ta'limi vazirligi, uning hududiy va tarkibiy bo'linmalari hamda tizim tashkilotlari xodimlarining etika va korrupsiyaga qarshi kurashish sohasida o'qitilishini tashkil qilish bo'yicha yo'riqnoma 5-ilovaga muvofiq;

O'zbekiston Respublikasi Maktabgacha va maktab ta'limi vazirligi, uning hududiy va tarkibiy bo'linmalari hamda tizim tashkilotlarida kontragentlarni tekshirishga oid yo'riqnoma 6-ilovaga muvofiq;

O'zbekiston Respublikasi Maktabgacha va maktab ta'limi vazirligi, uning hududiy va tarkibiy bo'linmalari hamda tizim tashkilotlariga ishga qabul qilinayotgan nomzodlarni tekshirish bo'yicha yo'riqnoma 7-ilovaga muvofiq;

O'zbekiston Respublikasi Maktabgacha va maktab ta'limi vazirligi, uning hududiy va tarkibiy bo'linmalari hamda tizim tashkilotlarida korrupsiyaga qarshi tartib-taomillarning samaradorligini monitoring va nazorat qilish uslubiyoti 8-ilovaga muvofiq;

O'zbekiston Respublikasi Maktabgacha va maktab ta'limi vazirligi, uning hududiy va tarkibiy bo'linmalari hamda tizim tashkilotlarida korrupsiyaga qarshi kurash tizimining holati to'g'risidagi hisobotni shakllantirish va taqdim etish haqida nizom 9-ilovaga muvofiq;

O'zbekiston Respublikasi Maktabgacha va maktab ta'limi vazirligi, uning hududiy va tarkibiy bo'linmalari hamda tizim tashkilotlari xodimlarining korrupsiyaviy xatti-harakatlari va odob-axloq qoidalarini buzish holatlari ustidan xizmat tekshiruvlarini o'tkazish reglamenti 10-ilovaga muvofiq;

O'zbekiston Respublikasi Maktabgacha va maktab ta'limi vazirligi, uning hududiy va tarkibiy bo'linmalari hamda tizim tashkilotlari tomonidan xodimlar bilan tuzilgan mehnat shartnomalariga kiritish uchun korrupsiyaga qarshi qoidalarining mazmuni bo'yicha asosiy shartlar 11-ilovaga muvofiq;

O'zbekiston Respublikasi Maktabgacha va maktab ta'limi vazirligi, uning hududiy va tarkibiy bo'linmalari hamda tizim tashkilotlari tomonidan kontragentlar bilan tuziladigan shartnomalarga kiritish uchun korrupsiyaga qarshi qoidalarining mazmuni bo'yicha asosiy shartlar 12-ilovaga muvofiq tasdiqlanganligi rahbarlik uchun qabul qilinsin hamda mazkur hujjatlar Agentlik va tizim tashkilotlarida ijroga qaratilsin.

2. Belgilansinki, buyruqning ijrosi bo'yicha Ixtisoslashtirilgan ta'lim muassasalari agentligi (keyingi o'rinlarda – Agentlik) ning quyidagi tarkibiy bo'linmalari mas'ul va javobgar hisoblanadi:

1-ilova bo'yicha barcha tarkibiy bo'linmalar boshliqlari, ishga kirayotgan xodimlarning tanishishlari uchun Inson resurslarini boshqarish va rivojlantirish bo'limi;

2, 4, 7, 8, 9, 10-illovalar bo'yicha Yuridik bo'lim;

3, 5, 7, 11-illovalar bo'yicha Inson resurslarini boshqarish va rivojlantirish bo'limi;

6, 12-ilovalar bo'yicha Moddiy-texnik ta'minot bo'limi, Buxgalteriya hisobi bo'limi.

3. Agentlik tizimidagi tashkilotlar rahbarlari:

korrupsiyaga qarshi kurash va huquqiy-nazorat tuzilmasi hamda shtat birligi mavjud bo'lmagan tizim tashkilotlarida korrupsiyaga qarshi kurashish bo'yicha muvofiqlashtiruvchi vazifasini tarkibiy bo'linmalar va mas'ul xodimlaridan birining zimmasiga buyruq bilan yuklatsin;

xodimlar faoliyatida korrupsiyaviy huquqbuzarliklarga murossasizlik va ularni sodir etishga yo'l qo'ymaslik bo'yicha barcha zarur chora-tadbirlarni belgilasin;

xodimlar bilan tuzilgan mehnat shartnomalariga, xodim mehnat shartnomasi bo'yicha o'z xizmat vazifalarini bajarayotganda, korrupsiyaviy xatti-harakatlarda qatnashmaslik, shu jumladan, g'ayriqonuniy imtiyozlarni olish yoki boshqacha tarzda g'ayriqonuniy maqsadlarda o'zining yoki boshqa shaxslarning harakatlari yoki qarorlariga ta'sir qilish uchun pul mablag'lari yoki boshqa qimmatliklar ko'rinishida pora taklif qilmaslik, va'da bermaslik, pul to'lamaslik, tovlamachilik qilmaslik, bevosita yoki bilvosita pora olishga rozilik bermaslik va pora olmaslik, biron-bir shaxs foydasiga yoki biron bir shaxs xizmatlaridan foydalanmaslik, mol-mulk yoki mulkiy huquqlarni olmaslik, shuningdek o'z vakolatlarini suiiste'mol qilmaslik majburiyatini olish bo'yicha o'zgartirish kiritsin;

kontragentlar bilan tuziladigan shartnomalarga, taraflar shartnoma bo'yicha o'z majburiyatlarini bajarayotganda O'zbekiston Respublikasining korrupsiyaga qarshi kurashish to'g'risidagi qonun hujjatlarining talablariga zid keladigan har qanday harakatlarni amalga oshirmaslik, shu jumladan, pora berishni taklif qilmaslik, va'da bermaslik, tovlamachilik qilmaslik, pora sifatida pul to'lamaslik, bevosita yoki bilvosita pora olishga rozilik bermaslik yoki pora ya'ni, Agentlik tizimi xodimi o'z xizmat majburiyatlaridan foydalangan holda pora bergan shaxsning manfaatlarini ko'zlab muayyan harakatlarni sodir etishi yoki sodir etmasligi shartligi yoki mumkinligi uchun moddiy qimmatliklarni yoki mulkiy naf olmaslik, taraflar ushbu harakatlarga yo'l qo'ymaslik bo'yicha choralar ko'rilishiga kafolat berishi kabi shartlarni kiritsin;

korrupsiyaga oid harakatlar haqida axborot berish uchun o'zining aloqa kanallari ishlashini, shuningdek, xabarlarini qabul qilish, ularni ro'yxatdan o'tkazish va kelib tushgan xabarlariga o'z vaqtida munosabat bildirish choralarini ko'rsin;

faoliyatida manfaatlar to'qnashuviga yo'l qo'ymaslik bo'yicha choralar ko'rib borsin;

korrupsiyaga oid huquqbuzarliklarni oldini olish va ularni sodir etishga olib kelishi mumkin bo'lgan sabablarni bartaraf etsin, xodimlarning huquqiy bilimlarini oshirib borsin va ularni qonunchilik hujjatlariga hamda sohaga oid ichki hujjatlarga qat'iy rioya etilishini ta'minlasin;

tizimda korrupsiyaga qarshi tamoyillar va talablarga rioya qilinishini doimiy monitoring va nazorat qilsin, korrupsiyaga qarshi amalga oshirilayotgan tadbirlar bajarilishi haqidagi hisobotlarni Agentlikning Yuridik bo'limiga kiritib borsin.

4. Inson resurslarini boshqarish va rivojlantirish bo'limi (A.Yarbekov), Moddiy-texnik ta'minot bo'limi (M.Saidov), Buxgalteriya hisobi bo'limi (U.Shayusupova) xodimlar bilan tuziladigan mehnat shartnomalarida, davlat xaridlari bilan bog'liq kontragentlar bilan tuziladigan shartnomalarda tegishlilik bo'yicha buyruqning 11-12-ilovalariga muvofiq korrupsiyaga qarshi kurashish bo'yicha asosiy shartlar majburiy kiritilishini ta'minlasin.

5. Axborot xizmati (D.Djangirov) Agentlikning korrupsiyaga qarshi kurashish siyosati doirasida amalga oshirilayotgan ishlarning ommaviy axborot vositalari, ijtimoiy tarmoqlarda keng yoritib borilishini tashkillashtirsin.

6. Prezident ta'lim muassasalari agentligi direktorining "Prezident ta'lim muassasalari agentligining korrupsiyaga qarshi kurashish tizimini yanada takomillashtirish to'g'risida" 2022-yil 20-yanvardagi 4-AF-son buyrug'i o'z kuchini yo'qotgan deb hisoblansin.

7. Mazkur buyruqning ijro nazoratini o'z zimmamda qoldiraman.

Direktor



A.Ubbiyev